





44.199  
4437  
164



Inches

Centimetres


**TIPPEN** Color Control Patches

© The Tiffen Company, 2007

道光壬辰新鐫

藥城後集

板藏眉州三蘇祠



蘇氏子由書

# 樂城後集

蘇氏子由書

樂城後集引

予少以文字為樂涵泳其間至以忘老元祐六年年五十有三始以空疎備位政府自是無述作之暇顧前後所作至多不忍棄去乃哀而集之得五十卷題曰樂城集九年得罪出守臨汝自汝徙筠自筠徙雷自雷徙循凡七年元符三年蒙

恩北歸寓居潁川至崇寧五年前後十五年憂患侵尋所作寡矣然亦班班可見復類而編之以為後集凡二十四卷

眉山蘇氏子由書

樂城後集目錄

第一卷

詩

次韻子瞻感舊

送姪邁赴河間令

傅銀青挽詞二首

和王晉卿都尉茶藥二絕

滕達道龍圖挽詞二首

贈司空張公挽詞三首

次韻題畫卷四首

次韻門下呂相公車駕跡學

大雪三絕

次韻門下呂相公同訪馮宜猷

曾元翰中大挽詞二首

蔡州任氏閣世堂

次韻子瞻和陶淵明飲酒二十首

次韻子瞻道中見寄

郊祀慶成

次韻姚道人二首

次韻子瞻上元扈從觀燈二首

蔡州壺公觀劉道士并引

大行太皇太后挽詞二首

次韻姚道人

次韻石芝并引

故樞密簽書贈正議大夫王彥霖挽詞二首

讀史六首

和子瞻雪浪齋

次韻子瞻生日見寄

蹇師嵩山圖并引

望嵩樓思賢堂

阻風

次韻子瞻遊羅浮山

雨中遊小雲居

第二卷

詩

次韻子瞻上元見寄

次韻子瞻連雨江漲二首

次韻姪過江漲

亡嫂靖安君蒲氏挽詞二首

寄題武陵柳氏所居二首

筠州州宅雙蓮

奉同子瞻荔支歎

次韻子瞻梳頭

勸子瞻修無生法

石盆種菖蒲忽開八九華或言

此華壽祥也遠因生日作頌亦為賦此

子瞻和陶公讀山海經詩欲同作而未成夢中得數句覺而

補之

成都僧法舟為其祖師寶月求

塔銘於惠州還過高安送歸

東西京二絕

唐相二絕

寓居六詠

和子瞻新居欲成二首

次遲韻二首

次遠韻

次韻子瞻和陶公止酒

次韻子瞻過海

過姪寄柳冠

寓居二首

所居堂後月季再生與遠同賦

浴罷

次遠韻齒痛

子瞻聞瘦以詩見寄次韻

次韻子瞻獨覺

次韻子瞻夜坐

次韻子瞻寄賀生日

次韻子瞻寄黃子木杖

次韻子瞻謫居三適

同子瞻次過遠重字韻

次韻子瞻和淵擬古九首

雨中招吳子野先生

答吳和二絕

閏九日與父老小飲四絕

求黃家紫竹杖并引

賦豐城劍

范丞相堯夫挽詞二首

卜居

和子瞻過嶺

子瞻贈嶺上老人次韻代老人答

第三卷

詩

大行皇太后挽詞二首

追尊皇太后挽詞二首

贈史文通奏議二首

次前韻示楊明二首

唐修撰義問挽詞一首

寄題登封揖仙亭

吳秦國夫人挽詞一首

冬月十三日雪

補子瞻贈姜唐佐秀才詩

遷居汝南

索居二首

聞諸子欲再質卜氏宅

任氏閱世堂前大楸

贈蔡駟居士

癸未生日

白鬚

寒食二首

潁州城東野老劉正

汝南示三子

謝任亮教授送千葉牡丹

思歸二首

萬蝶花

春盡三月二十日立夏

夢中詠醉人

立秋偶作

汝南遷居

寄內

病愈二首

九日三首

立冬聞雷

將歸二首

示資福論老并引

三不歸行

罷提舉太平官欲還居潁川

次遲韻寄適遜

次遲韻對雪

還潁川甲申正月五日

題郾城彼岸寺二首

上巳从病不出示兒姪二首

葺東齋

次遲韻千葉牡丹二首

盆池白蓮

詠竹二首

見兒姪唱酬次韻五首

初得南園

移竹

記夢

第四卷

詩

葺居五首

再賦葺居三絕

歲莫口號之絕

雪後小酌寄內乙酉正月九日

喜雨三月三日

收蜜蜂

養竹

和遲田舍雜詩九首并引

雨病

施崇寧寺馬

南堂新斲花壇二首

夢中謝和老惠茶



新霜

戲作家釀二首

冬至雪

歲莫二首

春後望雪

除夜

新雨

甲子日雨

新火

次人醪醪原韻

閑居五詠

城中牡丹推高皇廟園遲近聯

騎往觀歸報未開戲作

春深三首

外孫文驥與可學士之孫也予親教之學作詩俊發猶有家

風喜其不墜作詩贈之

次遲韻示陳秀才姪孫元老

再次前韻示元老

築室示三子

開窗

遂往泉城獲麥

送元老西歸

蜀人舊食決明花穎川夏秋少

菜崇寧老僧教人并食其葉有鄉人西歸使為父老言之

戲作

諸子將築室以畫圖相示三首

題韓駒秀才詩

秋社分題

釀重陽酒

中秋無月同諸子二首

予昔在京師畫工韓若拙為予寫真今十三年矣容貌日衰

展卷茫然葉縣楊生畫不減韓復令作之以記其變偶作

九日獨酌三首

泉城田舍

第五卷

雜文

和子瞻沉香山子賦并引

和子瞻歸去來詞并引

穎州擇勝亭詩并引

和子瞻次韻陶淵明停雲詩

和子瞻次淵明勸農詩并引

沐老圖贊

香城順長老真贊并引

自寫真贊

六祖卓錫泉銘并引

代李憇卧帳頌并引

夢齋頌并引

把一頌并引

第六卷

孟子解二十四章

第七卷

歷代論一并引

堯舜

三宗

周公

五伯

管仲

知罃趙武

漢高帝

漢文帝

漢景帝

第八卷

歷代論二

漢武帝

漢哀帝

隗囂

陳蕃

李固

第九卷

歷代論二

賈誦下

孫仲謀

晉武帝

羊祜

第十卷

歷代論四

王導

祖逖

宋文帝

漢昭帝

漢光武帝二首

鄧禹

荀彧

賈誦上

劉立德

晉宣帝

王衍

符堅

宋武帝

梁武帝

唐高祖

唐太宗

狄仁傑

第十一卷

歷代論五

唐玄宗憲宗

宇文融

牛李

郭崇韜

馮道

陸贄

兵民

燕薊

第十二卷

顏瀆遺老傳上

第十三卷

顏瀆遺老傳下

第十四卷

冊文

大行太皇太后謚冊文

進冊文褥子附

詔

改園陵為山陵手詔

擬答西夏詔書

策題

擬殿試策題二首 元祐中準備

第十五卷

詔

擬合祭天地手詔 元祐中撰

劄子

論合祭天地劄子 時已有旨施行不復上

敘

元祐會計錄敘 附收支敘 民賦敘

第十六卷

劄子

兄除翰林承旨乞外任劄子 四首 舉王瑛乞外任劄子 五首

乞賜張宣徽謚劄子 立皇后制書劄子

論黃河軟堰劄子 申二省 狀附 論御試策題劄子 二首

待罪劄子

第十七卷

表記劄子狀

元祐七年生日謝表二首 笏記

元祐八年生日謝表二首 笏記

辭門下侍郎劄子

免大中大人門下侍郎表二首

謝大中大夫門下侍郎表首進郊祀慶成詩狀

免南郊加恩表二首

謝南郊加恩表二首

第十八卷

表狀疏

汝州謝上表

分司南京到筠州謝表

明堂賀表

雷州謝表

移岳州謝狀

南郊賀表

降敕請大夫謝表

復官宮觀謝表

謝復官表二首

謝復墳寺表

皇太后上仙慰表

欽聖憲肅皇后耐廟慰表

欽慈皇后耐廟慰表

大行太皇太后上仙功德疏

皇太后上仙功德疏

哲宗皇帝大祥功德疏

天寧聖節功德疏

東塋老翁井齋僧疏

第十九卷

青詞

京師

高安四首

龍川二首

閣卓

許昌三首

祝文

嵩山祝文

汝州謝雨文

第二十卷

祭文

祭張宮保文

祭文與可學士文

祭亡壻文逸民文

再祭張宮保文

祭亡嫂王氏文

祭八新婦黃氏文

北歸祭東塋文

再祭王氏嫂文

再祭八新

祭北子中朝散文

祭王子敏

祭亡兄端明文

再祭亡兄端明

遣江追歸祭東塋文

祭黃師是龍圖文

祭北子中朝散文

祭寶月大師宗兄文

祭北子中朝散文

第二十一卷

雜文

汝州龍興寺修吳畫殿記

汝州楊文公詩石記

李簡夫少卿詩集引

王子立秀才文集序

六孫名字說

書孫仲學士手寫華嚴經後

書楞嚴經後

書金剛經後二首

書白樂天集後二首

書鮮于子駿父母贈古後

子瞻和陶淵明詩集引

第二十二卷

墓銘

亡兄子瞻端墓誌銘

第二十三卷

歐陽文忠公神道碑銘附

第二十四卷

雜文

巢谷傳

亡姊美人墓誌銘

龍井辯才法師塔碑

逍遙聰禪師塔碑

天竺海月法師塔碑



樂城後集卷之一

宋眉山蘇轍子由著

詩七十首

次韻子瞻感舊

還朝正三伏一再趨未央久從江海游苦此劍佩長夢中驚和璞

起坐憐老房

子瞻夢中見人誦詩云度數形名本偶然破琴今有十三弦此生若遇邢和璞始信秦箏是響泉因作破

琴詩以

為我忝丞轄寘身願并涼


子瞻每欲為國守邊顧不敢請耳

此心一自許

何暇憂陟岡早歲發歸念老來未嘗忘淵明不久仕黔婁足為康



王執禮子敬  
顧天敘禮初全校



家有二頃田歲辦十日糧教救諸子弟編排舊文章辛勤養松竹  
遲莫多風霜常恐先著鞭獨引社酒嘗火急報君恩會合心則降

次韻題畫卷四首

山陰陳迹

卧對鄙人氣已真晚依邱壑更無倫不須復預清言似自是江東

第一人

逸少知清言之害然爾亭記亦不免慕清言耳

雪溪乘興

亟往遄歸真曠哉聾人不信有驚雷雖云不必見安道已誤扁舟

已雪來

四明狂客

失脚來遊九陌塵故溪何日定抽身便同賀老扁舟去已笑西山

鄭子真

西塞風雨

雨細風斜欲暝時凌波一葉去安歸遙知夜宿蛟人室浪卷波分

不著

直略切衣

送姪邁赴河間令

老去那堪用恩深未敢歸誰能告民病一一指吾非爾赴河間治  
無嫌野老譏仍將尺書報勿復問從違

次韻門下呂相公車駕眎學

未識吾君龍鳳章諸儒望幸久南庠  
輦回原廟初移蹕鷺集西廡  
已著行執爵稍前疑問道獻琛不  
計數來王從官始悟熙寧意遺  
我親臨見肯堂

傳銀青挽詞二首

名自烏臺發恩從鳳沼深鹽梅和衆口金玉比誠心澹泊平生事  
彌留一病侵遺言自無憾朝野爲沾襟

其二

丹旆國西門茅廬濟水深官清貧似舊名重歿猶存臺閣傳遺懿  
交遊拭淚痕君恩不改故延賞遍諸孫

大雪三絕句

閩歲窮冬已是春當寒卻暖未宜人陰風半夜催飛霰稍淨天街  
一尺塵

元冥留雪付勾芒桃李雖憂麥未傷膏澤較遲三十日問天此意  
亦茫茫

連歲金明不見冰上春風雪氣稜稜臺中會奏五行傳到此施行  
愧未曾

和王晉卿都尉茶蘼二絕句

春到都城曾未知  
楸花時見萬年枝  
多情賴有王公子  
解翦金槃

寄所思  
春來未曾見花但於禁中時見楸花耳

後圃茶糜手自栽  
清於芍藥醜於梅  
舊來詩客今無幾  
三嗅馨香

懶舉杯

次韻門下呂相公同訪致政馮宣猷

懶從朝謁事駸駸  
此去高眠罷倒衣  
詔許敲門訪耆舊  
天教築室

俟來歸  
石公熙載舊宅張氏頃加修完公得之以成歸計類非偶然者  
肩輿尙肯追春色  
公來春將往洛

中看 鼓缶何妨傲夕暉  
所至成家即安隱  
武昌誰乞釣魚磯

滕達道龍圖挽詞二首

才適邦家用學非  
章句儒遭逢初莫測  
流落一長吁  
大節輕多難

深言窮遠圖收功  
太原守談笑視羗胡

其二

南竄逢公弄水亭  
公時北歸留我闔閭  
城壯年不見日千里  
餘論

猶驚敵萬兵  
簡冊何人知  
造滕邊防觸處  
竦先聲  
傷心繫舸城東

地日斷安知有死生

魯元翰中大挽詞二首

遺直誦家聲  
持心本至誠  
何勞求皦察  
所至自安平  
氣象餘前輩

才華屬後生  
飛騰看諸子  
相繼亦公卿

其二

十年初見范公園知與錢塘結弟昆樂易向人無不可疎慵憐我  
 正忘言南遷卻返逢北渡遠聘相過適近藩無復放懷譁笑語挽  
 詩空寄淚潺湲子瞻兄始與元翰皆倅杭州及自彭城還止都門  
 寓居范景仁東園元翰時來相過予始識之其後  
 南還元翰出守洛州及奉使契丹  
 元翰復守滑臺皆接從容者久之

贈司空張公安道挽詞三首

道廣中無競才高治不煩安心本篤靜憂世亦時言壽考同儕盡  
 經綸故事存猶應門下客微論記根原

其二

孤高出世學豪邁謫仙人早歲猶和俗中年自識真定餘時發照  
 塵盡圓無隣聞道騎箕尾還應事 玉宸

其三

西蜀識公初南都從事餘一言知我可久好復誰如學術留元歎  
 家聲付伯魚霜天近生日開挽重欷歔

蔡州任氏閱世堂

朱君長桐鄉死食桐鄉社吏民安君德君亦愛其下遺言於斯葬  
 存沒勿相捨自知得民深千歲誰似者任君治新息寬惠治鯨寡  
 疆梁順教詔桴鼓不鳴野三年去復還園木裁拱把居人敬閭巷

禽鳥依屋瓦蒼然百尺檜直榦任大廈相要勿翦伐令尹昔所舍

次韻子瞻和淵明飲酒二十首

我性本疎懶父母強教之逡巡就科選逮此年少時幽憂二十年  
懶性祇如茲偶然踐黃閣俯仰空自疑乞身未敢言常愧外物持  
其二  
人言性本靜不必林與山世雖有此理知誰非妄言自我作歸計  
於今十餘年低回軒冕中此語愧虛傳

其三

世人豈知我兄弟得我情少年喜文章中年慕功名自從落江湖  
一意事養生富貴非所求寵辱未免驚平生不解飲欲醉何由成

其四

秋鴻一何樂空際乘風飛秋蟲一何憂壁間終夜悲憂樂本何有  
力盡兩無依物生逐所遇久行不知歸少年氣難回老者百事衰  
聊復沃以酒永與狂心違

其五

昔在建成市鹽酒晝夜喧夏潦恐天滂冬雷知地偏妻孥日告我  
胡不反故山一來朝廷上七年不知還有寓均建成且志昔日言

其六

夢中見百怪一一皆謂是醉中身已忘萬事隨亦毀此心不應然  
外物妄使爾安心十年後此語知非綺

其七

開卷觀古人誰非一世英骨肉委黃墟泯滅俱無情憧憧來無盡  
擾擾相奪傾驚雷震朱夏鮮能及秋鳴得酒且酣飲問誰逃死生

其八

明月出東牆萬物含餘姿孤蟬庇繁蔭衆鳥棲高枝解衣適少事  
捫腹知亡奇朝與羣動作莫復何所爲此時不自有日出還受羈

其九

尺書千里至輟食手自開將卜東南居故鄉非所懷勿言湖山美  
永與平生乖鴻鴈秋南來及春思故棲蛟龍乘風雲旣雨反其泥  
兄弟通四海叩門事雖諧直道竟三黜去國終恐迷何如自衛反  
關里從參回

其十

老虜忘君恩戰鼓驚四隅邊候失晨夜驛騎馳中途詔書止窮征  
諸將守來驅敵微勢可料師競力無餘防邊未云失憂懷愧安居

其十一

修己以安人嗟古有此道平生妄謂得忽忽恨衰老年來亦見用

何益世枯槁遂巡事朝謁出入自媚好報君要得人被褐信懷寶  
斯人何時見卽上歸耕表

其十二

春旱麥半死夏雨欣及時出郊耘禾田父老有好辭秋陰結愁霖  
似欲直敗茲冥冥人天際影響良不疑精誠發中禁愍默非有欺  
雞號日東出乃令民信之

其十三

天厨釀冰池搖蕩畏出境年衰雜羸病一醕百不醒鸞臺異諸曹  
有政非簿領頽然雖無謫因謝出囊穎回首愧周行羣英粲彪炳

其十四

淮海老使君受詔行當至當官不避事無事輒徑醉平生自相許  
兄先弟亦次東南豈徒往多難嫌暴貴白首六卿中嚼蠟那復味

其十五

去年旅都城三月不求宅彼哉安知我爭埽習禮迹三已竟無怨  
心伏鷲鳥百無私心如丹經患髮先白功名已不求餘事復何惜

其十六

家居簡餘事猶讀內景經浮塵掃欲盡火棗行當成清晨委羣動  
永夜依寒更低帷闕重屋微月流中庭依松白露上歷坎幽泉咽



功從猛士得不取兒女情

其十七

南方有貧士狂怪如病風垢面髮如葆自汗屠酒中導我引河水  
止與崑崙通長箭撚不盡不中無尤弓

其十八

清秋九日近菊酒皆可得永愧陶翁餓雖饑心不惑懷忠受正命  
賦命本通塞斯人今苟在可與同其口惜哉委荆秦忍饑長默默

其十九

我有二三子兼有仕未仕青松出林秀豈獨私與已斂然不求人  
而我自巽地臨風忽長鳴誰信日千里江行跡漁父但自正綱紀

持綱起萬目魴鱒皆可止老成日就衰所餘殆難恃

其二十

諸妄不可賴所賴惟一真內欲求性命油然反清淳外將應物化  
致一常日新商於四父老攜手初逃秦翻然感漢德投足復踐塵  
出處蓋有道豈為諸呂勤嗟我千歲後澹然與之親還將山林姿  
像首要路津囊中舊時物布衣白綸巾功成不歸去愧此同心人

次韻子瞻道中見寄

兄詩有味劇雋永和者僅同如畫影短篇泉冽不容挹長韻風吹

忽千頃經年淮海定成集走書道路未遑請相思半夜發清唱醉

墨平明照東省詩到適南來應帶蜀桐泉西信近得蒙山茗出郊

一飯歡有餘去歲此時初到穎

### 郊祀慶成

盛禮彌三祀初元正七年祭兼天地報儀自祖宗傳講義金華久

近有百講讀官訓釋祖宗齋祠故事十五條日陳於前齋心玉食鮮秋成通四海廩實到窮

邊今秋諸道皆奏豐稔而陝西河東極邊尤甚塵卷跳疆寇西羌人寇環州邊吏邀擊敗去琛來渡海

船高麗使前十日人和神亦答物備禮誠全廟室開深觀郊野對

廣園翠帷新祕殿寶仗溢通廬周冕裘繪儉周禮太裘而冕以祀天有司欲為羔裘度

物以黑繒代之唐車保介使退安重奕世所寶導前多舊德

迎拜或華頰薦潔求陰燧馳誠寄燎烟垂精粲星斗望秩遍山川上至大廟門

降輅追前躅回班戒弗虔徹細深屈體屏蓋切承天降輅步人齋

殿至郊壇止百官回班仍去黃道禘三事皆循祖宗故事而去繳特出上意嶰谷灰初應繞室吹灰久廢不講近太

史考求遺書復修其法扶桑日欲躔旌旗逐風轉歌舞送天旋簾啟瞻宸

極雞號識漏泉矜愚開罪罟釋欠靖民編樂作波翻海書行箭脫

弦東朝歸福胙南極本高仙有道知難犯無私每得賢劬勞就

聖德謙畏絕私權治道初無象神功竟莫宣下臣叨進玉隨見頌

誠然臣於景靈郊邛實進玉幣

次韻姚道人二首

西山學探薇東坡學者煮羹昔在建成市豈復衣冠情朋友日已疎  
止接盲趙生雷智狗所安元氣賴以存時於星寂中稍護亂與昏  
河流發九地欲挽升天門枉用十年力僅餘一燈温老病竟未除  
驚呼欲狂奔何日新雨餘得就季主論

高人隱陋巷至藥初無方心知無生妙運轉開陰陽本如凌雲松  
豈受尺寸量氣如幽谷蘭時送清風香嗟我本病肺寒暑隨翕張  
丹砂苦落落青春去堂堂清詩墮雲霧至音叩琳琅山海信多士  
世俗非所望遠遊居臨安間出從諸王他年解冠佩共遊無邊疆  
儀麟既委照永謝過隙光

次韻子瞻上元扈從觀燈二首

虜去邊城少奏章雪殘中禁罷焚香都人知有新年喜爭看瑯輿

金鳳凰

春來有意乞歸耕足痺三年久未平

頃奉使契丹墜馬傷足已三年矣

忽記上元

鑾輅出起聽前殿曉鐘聲

蔡州壺公觀劉道士

并引

元祐八年七月彭城曹煥子文至自安陸為予言過淮西入壺  
公觀觀縣壺之木木老死久矣環生孫葉無數聞有老道士劉

道淵年八十七非凡人也謁之神氣甚清能言語服細布單衣  
縫補殆遍壁間題者多以不易衣爲美煥問其意道淵悵然曰  
此故淮西守歐陽永叔所贈也世人稱永叔工文詞善辯論忠  
信篤學而已君知是人竟何從來耶公與我有夙契且齊年也  
昔將去吾州留此以別吾服之三十年嘗破而補之矣未嘗垢  
而澣也比嘗得其訊吾亦去此不久矣煥聞之愕然莫測徐問  
其故皆不答予少與兄子瞻皆從公遊竊觀平生固嘗疑公神  
仙中人非世俗之士也公亦嘗自言昔與謝希深尹師魯梅聖  
俞數人同遊嵩高見蘇書四大字於蒼崖絕澗之上曰神清之  
洞問同遊者惟師魯見之以此亦頗自疑本世外人今聞道淵  
言與曩意合因作詩以示公子斐叔弼

思穎求歸今幾時布衣猶在老劉師龍章舊有世人識蟬蛻惟應  
野老知昔葬衣冠今在否近傳音問不須疑曾聞圮上逢黃石久  
矣留侯不見欺

大行太皇太后挽詞二首

丙治隆三世尊臨極九年神孫克負荷大業付安全有道華夷靖  
無心怨惡悛和熹盛東漢從此不稱賢

約已心全小寬民德有餘外家恩澤少先后禮容虛有司每以章獻太后故

事為請德音輒深自原廟因前室有詔自處治降以成就宣光中

菲薄不敢當而止頃歲將受册寶當御前殿謙

朝避册書避不欲遂退即後殿而已功名不勝紀四謚歎猶疎

次韻姚道人

道人偶許俗人知法喜非妻解養兒夜久金莖添沆瀣室虛寶月

映琉璃遠來醉俠忽忽返近出詩仙句句奇獨怪區區踐繩墨相

逢未省角巾歌

次韻石芝并引

子瞻昔在黃州夢遊人家井闌石上生紫藤枝葉如赤箭主人

言此石芝也折而食之味如雞蘇而甘起賦八韻記之元祐八

年予與子瞻皆在京師客有至自登州者言海上諸島石向日

者多生耳海人謂之石芝食之味如茶久而益甘海上幽人或

取服之言甚益人客以一籃遺子瞻遂次前韻

雞鳴東海朝日新光蒙洲島霧雨勻一踰石上遍生耳幽子自食

無來賓寄書乞取久未許簪籠蕉囊海神戶戶止也左傳一掬誰

令墮我前無為知我超諸數此身不願清廟瑚但願歸去隨樵蘇

龜龍百歲豈知道養氣千息存其胡塵中學仙定難脫夢裏食芝

空酷烈中山軍府得安閑更試朝霞磨鏡鐵

故樞密簽書贈正議大夫王彥霖挽詞二首

試吏有能名升臺擅直聲雄飛極九載修路止三城壯志方凌厲

遺書忽歎驚老人殊可念白首泣新塋

其二

傾蓋晚相親東西省戶鄰聽君占諫草繼我出詞綸京尹聲初淡

樞庭迹尚新邯鄲炊未熟榮謝隔逡巡

讀史六首

留侯決成敗面折魏周昌垂老召商叟鳴鶴自高翔

其一

諸呂更相王陳平氣何索千金壽絳侯劉宗知有託

其三

賈生料吳楚竟斃大梁城一身不自保痛哭空傷生

其四

桓文服荆楚安取破國都孔明不料敵一世空馳驅

其五

安石善談笑揮塵卻符秦妄起并吞意終殘吳越人

其六

一變城後集卷之一  
江河浪如屋要須滄海容可憐狄仁傑猶復負婁公

和子瞻雪浪齋

謫居杜老嘗東屯波濤遶屋知龍尊門前石岸立精鐵潮汐洗盡  
莓苔昏野人相望夾水住扁舟時過江西村窗中縞練舒眼界枕  
上雷霆驚耳門不堪水怪妄欺客欲借楚些時招魂人生出處固  
難料流萍著水初無根旌旗旋逐金鼓發蓑笠尙帶風雨痕高齋  
雲浪卷蒼石北叟未見疑戲論激泉飛水行亦凍窮邊臘雪如翻  
盆一杯徑醉萬事足江城氣味猶應存

次韻子瞻生日見寄

日月中人照與芬心虛慮盡氣則薰彤霞點空來羣羣精誠上徹  
天無雲寸田幽闕煥不焚眇眇中外絳錦紋冥然物我無復分不  
出不入常氤氳道師東西指示君乘此飛仙勿留墳茅山隱居有  
遺文世人心動隨蚩蚊不信成功如所云蚤夜賓餞同華勛爾來  
僅能破魔軍我經生日當益勤公稟正氣飲不醺梨棗未實要鈕  
耘日云莫矣收桑粉西還閉門止紛紛憂愁真能散淒君萬事過  
耳今不聞

登真隱訣云日中青帝日  
照龍韞其夫人日芬豔嬰

蹇師嵩山圖

并引

葆光法師蹇君未嘗至嵩山欲往遊焉元祐九年春磐栢都下

得古畫一幅以示其客客曰此嵩山圖也予昔嘗遊焉峯嶺徑  
遂觀刹皆是君喜曰此將以導予也吾昔熙寧中自陳之洛往  
來皆出嵩少之間時方重九與偕行者約曰與子於此登高乎  
今筋力尙強可以一往異日復至或不能矣今年三月以罪出  
守汝州聞此州在嵩少之陽登城北望可以盡得其勝君何時  
爲此遊吾將舉酒與子相望雖不能同亦庶幾焉系之以詩曰  
峻極登高二十年汝州回望一依然君行亦是高秋後試覓神清

古洞天

神清洞  
事見上

望嵩樓  
在汝州

連山鄩吾北一室分西東東山幾何高不爲太室容西山爲我低  
少室見諸峯臨軒一長歎隱見由所逢試問山中人二室竟誰雄  
雄雌久已定分別徐亦空可憐汝陽酒味與上國同遊心四山外  
寄適杯酒中

思賢堂

楊公守臨汝俛仰八十載推遷城市非散落篇章在外物固難必  
清名竟安賴孤亭右洲渚斜日到冠佩飛翔棟宇回滉蕩波流對  
稍存楸梧高大翦菰蒲穢遺編訪諸子翠石補前廢吏民亦澹然  
未替甘棠愛



阻風

自汝遷筠八月過真州江漲倍常歲而風不順

大水蔑洲浦牽挽無復施我舟恃長風風止將安為場然委積水  
坐被弱纜維市井隔峯嶺食盡行將饑長嘯呼風伯厄窮豈不知  
達達起東南旗尾西北馳所望乃大謬開門訊舟師舟師掉頭笑  
沿沂要有時沂者不少息沿者長嗟咨飄風不終日急雨常相隨  
雨止風亦止條條弄清漪我言未見信君行自見之

次韻子瞻遊羅浮山

客迷墮澗逢玉京雲行天喬風號鳴暗中過盡石髓滑驚喜觀闕  
朝霞明東坡南去類此客濟者力盡非求生偶然瀕海少氛氣復  
有福地容躬耕諸侯歷聘謝魯叟茅簷燕坐師老彭天樞旋結日

珠重人寰下視鴻毛輕俗緣漸覺冰雪解元氣乍復蛟虬狺遠遊  
脫屣入葢竹初恠長史留家庭後來玉斧小兒子亦入真誥參仙  
經試令子弟學諸許還家不用劔閣銘洞天聞亦有圖籍但恐未  
免如公卿此心願與世無事不願與世平不平

次韻子瞻江西

許君馬老共一邦西山斷處流蜀江誰令十載重渡瀧灘頭舊寺  
晨鐘撞亂流赤腳記淙淙道俗自謂丹霞龐便令築室修畦疇往  
還二老筇一雙子與筠州聽長老有十年之舊

南中遊小雲居

賣酒高安市早歲逢五秋常懷簡書長未暇雲居遊十載還上都  
再謫仍此州廢斤免羈束登臨散幽憂鄉黨二三子結束同一舟  
雨餘江漲高林薄頰控鉤積陰荐雷作兩山亂雲浮雨點落飛鏃  
江光測輕漚笑語曾未畢風雲遽誰收舟入指松檜古刹依林邱  
老僧昔還住晚飯迎淹留食菜吾自飽饋肉煩賢侯嚴城迫吹角  
歸棹隨輕鷗聯翩閱村塢燈火明譙樓肩輿踐積磬塗潦分潛溝  
居處方自適未知厭拘囚

樂城後集卷之一 終

樂城後集卷之二

宋眉山蘇轍子由著

明東吳王執禮子敬全校  
顧天敘禮初

詩七十首

次韻子瞻上元見寄

誰憐東坡老獨看南海燈故人隱山麓燕坐銷牀稜人生天運中  
往返成廢興炎起爨下薪凍合瓶中冰賴有不變處寂如方定僧  
建成亦巖邑燈火高下層頭隨舊所識天寒髮鬢髻問我何時來  
嗟哉谷為陵幸此米方賤日食聊一升夜出隨眾樂舖槽共騰騰

次韻子瞻連雨江漲二首

南過庾嶺更千山  
蒸潤由來共一天  
雲塞虛空雨翻瓮  
江侵城市屋浮船  
東郊晚稻須重插  
西舍原蠶未及眠  
獨棹扁舟趁申卯  
米鹽奔走笑當年

客到炎陬喜甃涼  
江吹虛閣雨侵廊  
回看野寺山溪隔  
臥覺晨炊稻飯香  
荔餉深紅陋櫻棗  
桂醅醇白北瓊瑰  
恩移嶠北應非晚  
未省南遷日月長

次韻姪過江漲

陰淫夏爲秋雨暴  
溪作瀆缺防舊通  
而流潦幾入屋  
雖幸廩粟猶惜畦蔬  
綠鹿駭不擇音鴻  
羈分遭陸室  
謂曾子還城  
詭華元魃中情久岑寂  
外物競排蹙  
設心等一慈  
開懷受諸毒  
道力雖未究游波偶然伏  
糧須三月聚艾  
要七年蓄君恩  
許北還從此當退縮

亡嫂靖安君蒲氏挽詞二首

家風足圖史  
婦德儼蘋蘩  
湯沐從夫寵  
冠衣席弟恩  
克家傳衆子  
有後慶多孫  
追養心何極  
增封禮尙存

其二

宦遊非不遂  
流落自爲疎  
宗黨半天末  
存亡驚素書  
佳城東嶺外  
茂木故阡餘  
遙想千車送  
臨江涕滿裾

寄題武陵柳氏所居二首

天真堂

宦遊閱盡山川勝歸老方知氣味真  
歌哭不移身自穩往還無間  
語尤親永懷前輩無因見猶喜諸郎  
有此人千歲展禽風未改不  
加瓊琢世稱珍

康樂樓

邑居欲盡溪山好不作層樓無奈何巖谷滿前收蠟屐漪漣極目  
卷漁蓑安心已得安身法樂土偏令樂事多千里筠陽猶靜治還  
家一笑定無他

筠州州宅雙蓮

綠葢紅房共一池一雙遊女巧追隨鏡中此並新粧後風際攜扶  
欲舞時露蘂暗開香自倍霜蓬漸老折猶疑殷勤畫手傳真熊道  
院生綃數幅垂

奉同子瞻荔支歎

蜀中荔支止嘉州餘波及眉半有不稻糠宿火卻霜霞結子僅與  
黃金侔近聞閩尹傳種法移種成都出巴峽名園競擷絳紗苞蜜  
漬瓊膚甘且滑北遊京洛墮紅塵箬籠白曬稱最珍思歸不復爲  
蓴菜欲及炎風朝露勻平居著鞭苦不早東坡南竄嶺南道海邊

百物非平生獨數山前荔支好荔支色味巧留人不管年來白髮  
新得歸便擬尋鄉路棗栗園林不須顧青枝丹實須十株丁寧附  
書老農圃

次韻子瞻梳頭

水上有車車自翻懸雷如線垂前軒霜蓬已枯不再綠有客勸我  
抽其根枯根一去紫茸茁珍重已試幽人言紛紛華髮何足道當  
返六十過去竟近有道士相教拔白後以水  
火養之當不復生故以爲答

勸子瞻修無生法

除却靈明一一空年來丹竈漫施功掌中定有菴摩在雲際懸知  
霧雨濛已賴信心留掣電要須淨戒拂誰言逐客江南岸身

世雖窮心不窮

石盆種菖蒲甚茂忽開八九華或言此華壽祥也遠因生日  
作頌亦爲賦此

石盆攢石養菖蒲沮洳沙泉菲葉鋪世說華開難值遇天將壽考  
報勤劬心中本有長生藥根底暗添無限鬚更爾屈蟠增瘦硬他  
年老病要相扶

子瞻和陶公讀山海經詩欲同作而未成夢中得數句覺而  
補之

此心淡無著與物常欣然虛閑偶有見白雲在空間愛之欲吐玩  
恐爲時俗傳逡巡自失去雲散空長天永愧陶彭澤佳句如珠圓  
成都僧法舟爲其祖師寶月求塔銘於惠州還過高安送歸  
少年能講大乘經法施堂中不出局爲許先師傳後世徑從西海  
集南溟忘身直犯黃茅瘴滿意初成自塔銘寄我淚痕歸萬里遙  
知露滴澗松青

東西京二絕

親祀甘泉歲一終屬車徐動不驚風  
必如何預詞臣事指點譏訶  
豹尾中

犀著金槃不暇嘗更須石上擣黃梁  
數錢未免河東不識前朝

大練光

唐相二絕

楊王滅後少英雄猶自澄思卻月中  
已得惠妃歡喜見方頭笑殺

曲江公

朝中寂寂少名卿晚歲雄猜氣益橫  
心怕無鬚少年士可憐未識  
玉奴兒

寓居六詠

手植天隨菊晨添首蓓盤叢長憐夏  
苦花晚怯秋寒素食舊所愧

長齋今未闌殷勤拾落藥眼暗讀書難

其二

山丹炫南土盈尺愧西京所至曾無比  
知非浪得名未須求別種  
尚欠剝繁英行復春風度天涯眼雙明

其三

隣家三畝竹蕭散倚東墻誰謂非吾有  
時能惠我涼雪深聞毀折  
風作任披猖事過還依舊相看意愈長

其四

弱榴生掩冉插竹強支义旋疊封根石  
能開著子花扶持物遂性

綴緝我成家故國日園少何須恨海漚

其五

大雞如人立小雞三寸長造物均付予  
危冠兩昂藏出欄風易倒  
依草枯不殪後庭花草盛憐汝計興亡  
或言矮雞冠卽玉樹後庭花

其六

西隣分半井十口無渴憂歲旱百泉竭  
日供入家求艱難念生理  
沾足愧寒流比聞山田婦出汲爭羣牛  
山中澗谷枯竭汲者每苦牛奪其水一人出汲輒數

人持仗護之

和子瞻新居欲成二首

老罷子卿還屬國功成定遠恨陽關漂流豈必風波際顛沛何妨  
枕席間伏臘便應隨俚俗室廬聞似勝家山因緣宿世非今日賴  
有陰功許旋還此說見佛書  
山連上帝朱明府心是南宗無盡燈過此欵危空比夢年來瘡毒  
冷如水圖書一笑寧勞客音信頻來尙有僧梨棗功夫三歲辦不  
緣憂患亦何曾

次遲韻二首

老謫江南岸萬里修烝嘗三子留三子嵩少道路長累以二孀女  
辛勤具餼糧誰令南飛鴻送汝至我旁飢寒不能病氣紆色亦康  
拊背問家事嗟我久已忘力耕當及春無爲久南方還家語諸女

素剛非玉章

其二

世事非吾憂物理有必至常賜百川竭顧亦防兩耳陰陽相糾纏  
反覆更自治幽懷澹不起默坐識其意長子念衰老遠行重慙愧  
疎慵身似僧岑寂家近寺但聞事日新未覺吾有異器鏗本自出  
藩角徒不遂得失衆共知窮達佛所記要令北歸日粗究一大事

次遠韻

萬里謫南荒三子從一幼謬追春秋餘賴爾牛馬走憂病多所忘



問學非復舊借書里諸生疑事誰當叩吾兒雖懶教擢穎既冠後  
求友卷中人玩心竹間岫時令檢遺闕相對忘昏晝兄來試謳吟  
句法漸翹秀暫時鴻鴈飛迭發墳篋奏更念宛邱子頎然何時覲

次韻子瞻和陶公止酒

雷州作

少年無大過臨老重復止自言衰病根恐在酒盃裏今年各南遷  
百事付諸子誰言瘴霧中乃有相逢喜連床聞動息一夜再三起  
沂流俛仰得此病竟何理平生不尤人未免亦求已非酒猶止之  
其餘真止矣飄然從孔公乘桴南海涘路逢安期生一笑千萬祀

次韻子瞻過海

我遷海康羆猶在寰海中送君渡海南風帆若張弓笑揖彼岸人  
回首平生空平生定何有此去未可窮惜無好勇夫從此乘桴翁  
幽子疑龍鰕牙須竟誰雄閉門亦勿見一黥同香風晨朝飽粥飯  
洗鉢隨僧鐘借問何時歸茲焉若將終居家出家人豈復懷兒童  
老聃真吾師出入初猶龍籠樊顧甚密俛首姑爾容衆人指我笑  
韉鎖無此工一瞬千佛土相期兜率宮

過姪寄柳冠

衰髮秋來半是絲幅巾緇撮強爲儀垂空旋取海棕子

蜀中海棕  
卽嶺南柳

木但不  
結子耳  
東髮裝成老法師變化密移人不悟壞成相續我心知茅

簷竹屋南溟上亦似當年廊廟時

寓居二首

東亭

十口南遷粗有歸一軒臨路閱奔馳市人不慣頻回首坐客相諳  
便解頤慙愧天涯善知識增添城外小茅茨華嚴未讀河沙偈偃  
仰明窗手自披

東樓

月從海上湧金盆直入東樓照病身久已無心問南北時能閉目  
待儀麟颶風不作三農喜是歲海無颶風舶客初來百物新歸去有時無

定在漫隨俚俗共欣欣

所寓堂後月季再生與遠同賦

客背有芳藁開花不遺月何人縱尋斧害意肯留枿偶乘秋雨滋  
冒土見微茁猗猗抽條穎頗欲傲寒冽勢窮雖云病根大未容拔我  
行天涯遠幸此城南菱小堂劣容臥幽閣粗可躡中無一尋空外  
有四隣市窺墻數袖實隔屋看柳葉惹藉獨茲苗慙慙待其活及  
春見開敷三嗅何忍折

浴罷

逐客例幽憂多年不洗沐予髮櫛無垢身垢要須浴顛躋本天運

憤恨當誰復茅簷容病軀稻飯飽枵腹形骸但癯瘁氣血尙豐足  
微陽闕九地浮彩見雙目枯槁如束薪堅緻比溫玉長齋雖云淨  
闕月聊一沃石泉澣巾帨土釜煮桃竹南窗日未移困臥久彌熟  
華巖有餘秩默坐心自讀請塵忽消盡法界了無矚恍如仰山翁  
欲就瀉叟卜猶恐墮聲聞大願勤自督

次遠韻齒痛

元明散諸根外與六塵合流中積緣氣虛妄無可託敝陋少空明  
婦姑相攘奪日出曠焦牙風來動危穉喜汝因病悟或免終身著  
更須誦楞嚴從此脫纏縛

子瞻聞瘦以詩見寄次韻

多生習氣未除肉長安夜眠懶食粥屈伸久已效熊虎倒掛漸擬  
同蝙蝠衆笑忍飢長杜門自恐莫年還入俗經旬輒瘦駭隣父未  
信腦滿添黃玉海夷旋覺似齊魯山蕨仍堪嘗菽粟孤船會復見洲  
渚小車未用安羊鹿海南老兄行尤苦樵爨長須同一僕此身所  
至卽所安莫問歸期兩黃鶴

次韻子瞻獨覺

咄咄書空中有怪內熱搜膏發癰疥羹藜飯芋如固然飽食安眠  
眞一快午雞鳴屋呼不起欠伸吉貝重衾裏此身南北付天工竹

杖芒鞋卽行李夜長却對一燈明上池溢流微有聲幻中非幻人  
不見本來日月無陰晴

次韻子瞻夜坐

月入虛牕疑欲旦香凝幽室久猶薰清風巧爲吹餘瘴疎雨時來  
報斷雲南海炎涼身已慣北方毀譽耳誰聞遙知掛壁瓢無酒歸  
舶還將一酌分

次韻子瞻寄賀生日

弟兄本三人懷抱喪其一頽然仲與叔耆老天所隲師心每獨往  
可否輒自必折足非所恨所恨覆甕實上賴吾君仁議止海濱  
妻酸念母氏此恨何畢平生賢孟博苟生不謂吉歸心天若許定  
卜老泉室淒涼百年後事付何人筆于今兄獨知言之泣生日

次韻子瞻寄黃子木杖

老至亦有漸五十惟杖始行年日辰匝幸免鄉閭恥罪重瘡難平  
餘痂未脫痕登山足猶健不用扶兒子我兄念辛勤贈此攜且倚  
他年賜環日白舍尤須此早收藤節杯旋綴烏皮几茅簷數間足  
不用伐桐杞

次韻子瞻謫居三適

旦起理髮

道人雞鳴起趺坐存九宮靈液流下田伏苓抱長松顛毛得餘潤  
冉冉欺霜風俯就無數櫛九九爲一通洗沐廢已久徐之勿忿怒  
氣來自湧泉至此知幾重近聞西邊將祖謁擁馬鬃歸來建赤油  
不復僣伍同笑我守尋尺求與真源逢人生各有安未肯易三公

午坐睡

定中龍眠膝定起柳生肘心無出入異三昧亦何有晴窗午陰轉  
坐睡一何久頽然擁褐身剥啄叩門手褰帷顧我笑疑我困宿酒  
不知吾喪我冰消不遺壽空虛無一物彼物自枯朽夢中得靈藥  
此藥從誰受侵尋入四支欲洗自無垢從今百不欠只欠歸田興

夜臥灌足

海民慢寒備不畜衾與裯雖苦地氣洩亦無徒跣憂 客久未安  
集舍占鶴鷗念昔使胡中車馳卒不留貂裘遡北風十襲猶颼颼  
中塗履冰河馬倒身自投宛足費馮翼千里煩畚耜十年事湯劑  
風雨氣輒浮南來足憂慮此病何時瘳名身孰親疎慎勿求封侯  
同子瞻次過遠重字韻

孟子自誇心不動未試永嘉鐵輪重弟凡六十老病餘萬里同遭  
海隅送長披羊裘類嚴子罷食豬肝同閔仲大男留處事田畝幼  
子隨行躬釜鑿低眉語笑接隣父彈指吁嗟到蠻洞茅茨一日敢

忘葺桑柘十年須勉種來時邂逅得相攜歸去逡巡應復從莫驚  
憂患爾來同久知出處平生共雖令子孫治家學休炫文章供世  
用穎川築室久未成夜來忽作西湖夢

次韻子瞻和淵明擬古九首

客居遠林薄依墻種楊柳歸期未必定非久邑中有佳士

忠信可與友相逢話禪寂落日酒艱難本何求緩急肯相

負故人在萬里不復為薄厚米盡鬻衣衾時勞問無有

其二

閉門不復出茲焉若將終蕭然環堵間乃復有為戎我師柱下史

久以此守如金刀雖云利未聞能斫風世人欲因我我已安長窮

窮甚當辟穀徐觀百年中

其三

蕭蕭髮垂素晡日迫西隅道人愍我老元氣時卷舒歲惡風雨交  
何不完子廬萬法滅無餘方寸可久居將掃道上塵先板庭中蕪  
一淨百亦淨我物皆如如

其四

夜夢被髮翁騎驎下大荒獨行無與遊闕然欸我堂高論何崢嶸  
微言何渺茫我徐聽其說未離翰墨場平生氣如虹宜不葬北邙

少年慕遺文奇姿揖昂昂衰罷百無用漸以園斲方隱約就所安  
老退還自傷

其五

海康雜蠻蜒禮俗久未完我居近閩閩願先化衣冠衣冠一有恥  
其下胡爲顏東隣有一士誦書寄賢關歸來奉親友跣步行必端  
慨然顧流俗歎息未敢彈提提烏烏中見此亦翔鸞漸能衣裘褐  
袒裼知惡寒

其六

佛法行中原儒者必論茲佛其真中亦何負當時此方舊雜染  
漚漚無名雜治生守家室坐使斯人疑未知酒肉非能與生死辭  
熾哉吳閩間佛事不可思生子多穎悟得報豈汝欺時伴正法眼  
一出照曜之誰爲邑中豪勤誦我此詩

其七

憂來感人心悒悒久未和呼兒具濁酒酒酣起長歌歌罷還獨舞  
黍麥力誠多憂長酒易消脫去如風花不悟萬法空子如此心何

其八

杜門人笑我不知有天遊光明遍十方咫尺陋九州此觀一日成  
袞袞通法流竿木常自隨何必返故邱老聃白髮年青牛去西周

不遇關尹喜履迹誰能求

其九

鋤田種紫芝有根未堪採  
逡巡歲月度太息毛髮改  
晨朝玉露下滴瀝投滄海  
須臾忽長茂枝葉行可待  
夜燒沉水香持戒勿中悔  
雨中招吳子野先生

循州作

柴門不出蓬生徑暑雨無時水及堂  
辟穀賴君能作客暫來煎蜜餉  
桃康

答吳和一絕

三間涑水小茅屋不比麻田新  
草堂問我秋來氣如火此間何事  
得安康

慣從李叟遊都市久伴藍翁醉畫堂  
不似蘇門但長嘯一生留恨

與嵇康

子野昔與李士寧縱遊京師  
與藍喬同客曾魯公家甚久

閏九月重九與父老小飲四絕

九日龍山霜露凝  
龍山九日氣如烝  
偶逢閏月還重九  
酒熟風高喜不勝

獲罪清時世共憎  
龍川父老尚相尋  
直須便作鄉關看  
莫起天涯萬里心

客主俱年六十餘  
紫萸黃菊映霜鬚  
山深瘴重多寒勢  
老大須將



酒自扶

尉他城下兩重陽  
白酒黃雞意自長  
卯飲下床虛已散  
老年不似少年忙

求黃家紫竹林

并引

予於龍川買曾氏小宅  
宅西南隅有紫竹百餘竿  
為藤蔓所困無復直幹  
雖為伐蕪而見竹偃弱  
無可為杖者黃氏老家  
有紫竹甚茂乞得一莖  
勁挺可喜聞黃氏竹舊  
自曾氏移植偶為詩示之

會家紫竹君家種  
曾園竹與荒藤共  
藤騎竹瘁如畏人  
不似君家竹森聳  
我來買宅非為宅  
愛此風稍時一弄  
磨刀向藤久未忍  
剝倒藤披真自送  
繁陰一豁新筍地  
狂鞭欲向青春動  
我身病後少筋力  
遍求拄杖扶腰痛  
蕭蕭瘦幹未能任  
一畝君家知足用  
一枝遺我拄尋君  
老酒仍煩為開甌

賦豐城劍

北歸途中作

劍氣夜干斗精誠  
初莫隔全身寄獄戶  
隱約還自得張雷  
彼知我勉為汝一出  
腰間雜環佩亦旣報  
之德凜凜天地間  
要非手中物躍入延  
平水三日飛霹靂  
出當乘風雷歸當卧  
泉石千年故穴在三  
嘆泉上客

范丞相堯夫挽詞二首

許州作

持身守忠恕臨事恥浮沉直道更三黜平生惟一心家風來自遠  
國論老彌深令德真如玉泥沙在見侵

其二

南遷頭已白北返病初加君意知無罪天心許到家同朝曾忝舊  
握手一長嗟時事紛無已還應付棹華

卜居

我歸萬里初無宅鳳去千年尚有臺誰爲選池先種竹可憐當砌  
已栽梅囊貲只數腰金在歸計長遭鬢雪催欲就草堂終歲事落  
成隣舍許銜杯

和子瞻過嶺

山林瘴霧老難堪歸去中原茶亦甘有命誰令終返北無心自笑  
欲巢南蠻音慣習疑僮語脚病縈纏帶嶺嵐手挹祖師清淨水不  
嫌白髮照毵毵

子瞻贈嶺上老人次韻代老人答

嶺頭盧老一爐灰長短根莖各自栽輕賤已消先世業知君海上  
去仍回

樂城後集卷之二 終

樂城後集卷之三

宋眉山蘇轍子由著

明東吳

王執禮子敬  
顧天敘禮初  
仝校

詩七十首

大行 皇太后挽詞二首

累朝宗內治晚歲擅鴻勳立子得 元聖收簾奉長君一言消橫

逆多難弭紛紛仙馭會非遠長瞻輦洛雲

家風承舊相國體繼 皇姑定策從中禁傳聲震海隅春風開閉

蟄朝露濕焦枯萬里生還客冠纓淚雨濡

追尊 皇太后挽詞二首

月缺年何久龍飛事一新  
追崇名號正同祔禮容均  
鳳翥低迎日龍輶細起塵  
都人知舜孝擁紼盡霑巾

德美鍾岐嶷榮華倍感傷  
一時朝野恨百世本支長  
出祖悲無憾因山險有光  
他年過嵩洛望拜裕陵旁

贈史文通奉議二首

牆北史居士掛冠心轉閑  
頂開人共怪神去夜深還  
白雪微侵鬢丹砂久駐顏  
從君欲問道何日徑開關

其二

有叟住東野畏人希入城  
君時共還往我欲問修行  
早歲識巖客近時逢絳生  
真能訪茅屋屣履試將迎

次前韻示楊明二首

晚歲有餘樂天教一向閑  
嵩陽百口住嶺外七年還  
卜宅先隣晏攜瓢欲飲顏  
吳僧來不久相約叩禪關

其二

甘井元衣廟平湖亦近城  
幅巾朝食罷芒屨雨中行  
擾擾初何事悠悠畢此生  
欲邀東郭叟煩子作郊迎

唐修撰義問挽詞二首

家風臺栢老遺直故依然節見南遷後神凝未暝前臨民舊有法  
訓子適成篇九轉今猶在參同豈妄傳

其二

我返南荒日君臨舊許初笑談寬老病旌旆擁茅蘆酒盞開雖數  
溪堂到尚疎誰言生死隔近在浹旬餘

寄題登封揖仙亭

靈王太子本讀書縱談穀洛參諸儒生來不見全盛初老成遺訓  
誰楷模心知漸失文武餘蕭然直入山中居山間吹笙鳳凰呼升  
天白日乘龍車周人聚觀背路隅明月為佩雲為裾歸來千歲執  
在無赤松老彭自為徒上侍玉宸臨九區烜赫不類山澤癯依山  
作邑賢大夫夜中焚香遡空虛我欲從之駕肩輿秋風八月來徐

徐

吳冲卿夫人秦國挽詞二首

國老相隨盡家風慨獨存見夫成相業聽子得忠言

夫人長子起居昔將論事

以南遷之憂訪於夫氣節慙多士聲華盛一門平生高義重未易  
人夫人以當官許焉

俗人論

雅頌成章早春秋發論長風規畱叔向文采似中郎覽古明興廢  
臨危喜激昂南遷初不恨李杜得從滂

十一月十三日雪

南方霜露多雖寒雪不作北歸亦何喜三年雪三落我田在城西  
禾麥敢嫌薄今年陳宋災水旱更爲虐閉糴斯不仁逐熟自難卻  
飢寒雖吾患尚可省鹽酪飛蝗昨過野遺種遍陂灤春陽百日至  
開若蠶生箔得雪流土中及泉盡魚躍美哉豐年祥不待炎火灼  
呼兒具樽酒對婦同一酌誤認屋瓦鳴更願聞雪脚

補子瞻贈姜唐佐秀才

并引

予兄子瞻謫居儋耳瓊州進士姜唐佐往從之遊氣和而言直  
有中州士人之風子瞻愛之贈之詩曰滄海何曾斷地脈白袍

端合破天荒且告之曰子異日登科當爲子成此篇君游廣州

州學有名學中崇寧二年正月隨計過汝南以此句相示時子  
瞻之喪再逾歲矣覽之流涕念君要能自立而莫與終此詩者  
乃爲足之

生長茅間有異芳風流稷下古諸姜適從瓊管魚龍窟秀出羊城  
翰墨場滄海何曾斷地脈白袍端合破天荒錦衣他日千人看始  
信東坡眼目長

遷居汝南

我昔還自南從此適舊許再歲常杜門壁觀無與語何人自驚顧

未聽卽安處亟逃穎州籍來貫汝南戶妻孥不及將童僕具樽列  
身如孤棲鵲夜起三遶樹故人樂安生風節似其父忻然斲一笑  
捨我西南去去已還閉門時作野田步蕭條古僧舍遺像得顏魯  
精神凜如生今昔吾與女已同羈窮厄但脫生死怖幸世方和平  
有土非寇虜春寒燒黃茅晝飯煮青茹何必濕上田幸此足粳稌  
歸心念狂簡裁製時已莫

索居三首

索居非謫地垂老更窮途去住看人意幽憂賴我無小園花草穢  
隨巷犬羊俱近覺根塵離忘言日益愚

其二

平生亦何事十載苦顛躓夢嶮曾非嶮覺迷終不迷客居兼壯子  
別久愧良妻稍訝音書闊春陰道路泥

其三

許蔡古隣國風煙相雜和蕭然客舍靜不願主人過野薺春將老  
淮魚夏漸多街南病居士有酒對酣歌  
聞諸子欲再質卞氏宅

我生髮半白四海無尺椽卞氏昔冠冕子孫今蕭然願以棟宇餘  
救此朝夕懸顧我亦何有較子差尚賢傾囊不復惜掃地幸見捐

南隣隔短牆兩孫存故壓松竹手自種風霜歲逾堅幽花亂蜂蝶  
古木嘶蜩蟬垂陰可數畝成功幾百年人心苦無厭隱居恨未圓  
得之苟有命老矣聊息肩畚土填隙穴結茅苴漏穿粗爾容偃息  
豈復求華飾西歸信已乎永雜孫陳編

任氏閱世堂前大檜

君家大檜長百尺根如車輪身豈直壯夫連臂不能抱孤鶴高飛  
直上立狂風動地舞枝幹大雪翻空洗顏色人言此檜三百年未  
知昔是何人植君家大夫老不遇一生使氣未嘗屈沒身不說歸  
故里遺愛自知懷舊色此翁此檜兩相似相與閱世何終極汝南  
山淺無良材櫟柱棟椽聊障日便令殺身起大厦亦恐眾材無匹  
敵且留枝葉撓雲霓猶得世人長太息

贈蔡駮居士

結茅汝上只三間種稻城西僅一廛梅老外生詩律在秀公弟子  
佛心傳埋盆疊石常幽坐畱客開樽輒醉眠聞道隣僧乞米送時  
無韓子定誰憐

癸未生日

我生本無生安有六十五生來逐世法妄謂得此數隨流登中朝  
失腳墮南土人言我當喜亦言我當懼我心終頽然喜懼不入故



歸來二頃田且復種禾黍或疑穎川好又使汝南去汝南亦何為  
均是食粟處兒言生日至可就瞿曇語平生不為惡今日安所訴  
老聃西入胡孔子東歸魯我命不在天世人汝何預

白鬚

中歲謬學道白鬚何由生故人指我笑問道未能行我笑謝故人  
唯唯亦否否老聃古道師白髮生而有佛告波斯匿汝有不自存  
亭中掌亭人何嘗隨客奔客去不用留主在亭不毀墁牆支折棟  
在我不在爾道成欸玉晨跪乞五色丸肝心化黃金齒髮何足言

寒食二首

寒食今年客汝南餘樽傾瀉亦醺醺道人久厭世間濁僧舍猶存  
肉食慙花折園夫時送客餽畱孫女尚分甘

永叔詩有為翁  
寒食畱餽之句欲遊

紫極誰為伴長揖孤松對不談

紫極宮有巨  
松可數人抱

寄住汝南懷嶺南五年一醉久猶酬身逃爭地差云靜名落塵寰  
終自慙耳畔飛蠅看尚在鼻中醇酢近能甘今朝寒食唯當飲買  
酒先防客欲談

穎川城東野老

姓劉氏  
名正

我歸穎川無故人城東野老鬚如銀少年椎埋起黃塵晚歲折節  
依仙真走如麀鹿人莫親呼來上堂飲清樽踞牀閉目略頻伸指

我黃河出崑崙東流入海還天津沐浴周遍纔逡巡嬰兒跣跌乘  
日輪脫身遊戲走四隣逢人不告非白珍許我已老知閉門東朝  
太行歎真君告我不返遊我岷還家一舍臥不晨闔棺空空但衣  
巾平生自言師洞賓嗟世賤目貴所聞

汝南示三子

此生賴有三男子到處來看老病翁飲食粗便魚稻足音塵不隔  
馬牛風道場莫問何方是舍宅元依畢竟空且爾不歸歸亦得汝  
曹免復走西東

謝任亮教授送千葉牡丹

花從單葉成千葉家住汝南疑洛南亂剝浮苞任狼籍併偷春色  
恣醺酣香穠得露久彌馥頭重迎風似不堪居士誰知已離畏金  
槃翦送病中癡

思歸二首

汝南百日畱走遍三男子思歸非吾計聊亦為爾耳行裝理肩輿  
客舍卷床第兒言世情惡平地風波起舟行或易搖舟靜姑且已  
匏繫雖非願蠖屈當有埃老人思慮拙小子言有理晨炊廩粟紅  
曉市淮魚美索居庖無人歸去迎伯姊終歲得安閑幽居無彼此

其二

我老不待言有女年四十念我客汝南無與具朝食翩然乘肩輿  
面有風土色許蔡雖云近傳舍之經夕衰老累汝曹愧歎心不懌  
磨刀鱠縷紅洗盞酒花白母老行役難女來生理葺外孫跨鞍馬  
遇事亦閑習居然數口家解我百憂集厄窮須父子他人非所及  
萬蝶花  
誰唱殘春蝶戀花一團粉翅歷枝斜美人欲向釵頭插又恐驚飛  
鬢似鷓

春盡

三月二十三日立夏

春風過盡百花空燕坐笙簫起滅中樹影連天開翠幕鳥聲入耳  
當歌童榜嚴十卷幾回讀法酒三升是客同試問隣僧行乞在何  
人閑暇似衰翁

夢中詠醉人

四月十日夢得篇首四句起而足之

城中醉人舞連臂城外醉人相枕睡此人心中未必空甞爾頽然  
似無事我生從來不解飲終日騰騰少憂累昔年曾見樂全翁自  
說少年飲都市一時同飲石與劉不論升斗俱不醉樓中日夜狂  
歌呼錢盡酒空姑且止都人疑是神仙人誰謂兩人皆醉死此翁  
年老不復飲面光如玉心如冰我今在家同出家萬法過前心不  
起此翁已死誰與言欲言已似前生記

立秋偶作

六月二十三日

十年憂患本誰知，慙愧仙翁有舊期。  
度嶺還家天許我，斲山種粟我尤誰。  
秋風欲踐故人約，春氣潛通病樹滋。  
心似死灰鬚似雪，眼看多事亦奚爲。

汝南遷居

病暑暑已退，思歸未成歸。  
人事不可期，當受不當違。  
客居汝南城，未覺吾廬非。  
忽聞鵲反巢，坐使鳩鶯飛。  
三遠擇所安，一枝粗得依。  
我來眾草生，漸見百卉腓。  
天行若循環，物化如發機。  
閉目內自觀，此理良密微。

寄內

與君少年初相識，君年十五我十七。  
上事姑章旁兄弟，君雖少年少過失。  
昏晨定省歲月短，五十還朝定何益。  
憂深責重樂無幾，失足一墜南海北。  
身居甯中不見天，仰面虛空聞下石。  
丈夫學道等憂患，婦人亦爾何從得。  
歸來舊許生白髮，回顧慙君髮如漆。  
遷居汝南復何事，龜老支牀隨所擲。  
相望一月兩得書，聞君肺病久消釋。  
我經三伏常暴下，近喜秋風掃悉濕。  
病除寢食未復故，相見猶驚身似腊。  
劉根夫婦俱有道，去日饒君著鞭策。

病愈二首

學道雖云久沉痾竟未除炎烝度三伏晡暖覺中虛嘉穀不自長  
荒榛終費鉏何辭用蘭石梨棗得扶疎

其二

病退日身輕身輕心轉清山空流水上海靜寸燈明朝市誰畱住  
林泉自不行筠溪慙巧士流蕩過平生

九日三首

早歲寬歡意衰年仍病纏客居逢九日斗酒破千錢茱菊驚秋晚  
兒孫慰目前登高懶不出多酌任頽然

其二

狂夫老無賴見逐便忘歸小酌還成醉僑居不覺非妻孥念應我  
風雨未縫衣憂患十年足何時賦式微

其三

黃菊與秋競白鬚隨日添時人知不喜野老未相嫌但酌清樽盡  
猶存薄俸霑日西聞客至更問酒家帘

立冬聞雷

九月二十九日

陽淫不收斂半歲苦常燠禾黍飼蝗螟粳稻委平陸民飢強扶耒  
秋晚麥當宿閔然候一雨霜落水泉縮蒼蔚山朝墜滂沱雨翻瀆  
經旬勢益暴方冬歲愈蹙半夜發春雷中天轉車轂老夫睡不寐

稚子起驚哭平明眎中庭松菊半摧秃潛發枯草萌亂起蟄蟲伏  
薪樵不出市晨炊午未熟首種不入土春餉難滿腹書生信古語  
洪範有遺牘時無中壘君此意誰當告

將歸二首

十月初三日作

久客初何事言歸似有名騰騰且隨俗落落竟無成病苦醫猶厭  
囊空身自輕家人驚別後無限白鬚生

其二

為客不滿歲還家見兩孫遙知臨竹戶相對引瓢樽老罷那嫌瘦  
心寬尚喜存風波隨處有何幸免驚奔

示資福諭老

并引

予讀楞嚴至塵既不緣根無所偶反流全一六用不行釋然而  
笑曰吾得入涅槃路矣然孤坐終日猶苦念不能寂復取楞嚴  
讀之至其論意根曰見聞逆流流不及地名覺知性乃歎曰雖  
知返流未及如來法海而為意所畱隨識分別不得名無知覺  
明豈所謂返流全一也哉乃作頌以示諭老

幽居百無營孤坐若假寐根塵兩相接逆流就一意意念紛無端  
中止不及地寂然了無覺乃造真實際百川入滄溟眾水皆一味  
止為潭淵深動作濤瀾起動止初何心乃遇適然耳吾心未嘗勞

萬物將自理

三不歸行

客心搖搖若懸旌三度欲歸歸不成方春欲歸我自懶秋冬欲歸事自變問我欲歸定何時天公默定人不知孔公晚歲將入楚磐桓陳蔡行且住昭王已死不復南意欲歸老父母邦衛靈父子無足取姑爾息肩埃東魯三桓豈知用聖人哀公亦自不能臣冉求一戰卻齊虜請君召師君亦許歸來閉戶理詩書弁冕時出從大夫夢見周公已不復老死故國心亦足孔公愈老愈屯遺顧我未及門下賢鄉邦萬里不能往妻孥近寄潁川上依嵩架潁結茅茨自問此志於何期汝南一寓歲行復來年歸去栽松竹

罷提舉太平官欲還居潁川

避世山林中衣草食芋栗奈何處朝布日耗太倉積中心久自笑公議肯相釋終然幸寬政尙許存寄秩經年汝南居久與茅茨隔祠官一掃空避就兩皆失父子相攜扶里巷行可卽屋敞且圯墻蝗餘尙遺粒交遊忌點染還往但親戚閉門便衰病杜口謝彈詰餘年迫懸車奏草屢濡筆籍中顧未敢爾後儻容乞幽居足暇豫肉食多憂慄永懷城東老未盡長年術

次遲韻寄适遜

飢民畏寒尤惡雪旋理破裘絰敗纈我雖久客未成歸黍酒薺羹  
還潑節汝南薪炭舊如土爾來薄俸纔供爇眼前煖熱無可道心  
下清涼有餘潔潁川歸去知何時祠宮欲罷無同列夜中髣髴夢  
兩兒欲迓老人先聚說

次遲韻對雪

十一月二十七日

雪寒近可憂麥熟遠有喜我生憂喜中所遇一已委平生聞汝南  
米賤豚魚美今年惡蝗旱流民鬻妻子一食方半菽三日已于糶  
號呼人誰聞愍惻天自邇繁陰忽連夕飛霰墮千里卷舒驚太速  
原隰殊未被貧家望一麥生事如毛起荐饑當逐熟西去真納履

還潁川

甲申正月五日

昔賢仕不遇避世遊金馬嗟我獨何爲不容在田野畝區寄汝南  
落泊反長社東西俱畏人何適可安者故廬已荆榛遺壠但松檟  
頽齡迫衰暮舊物一已捨安能爲妻孥辛苦問田舍平生事瞿曇  
心外知皆假歸休得溟渤坐受百州瀉何人實造物未聽相陶冶  
題鄆城彼岸寺二首

文殊院古栢

曾看大栢孔明祠行盡天涯未見之此樹便當稱子行他山只可  
作孫枝棟梁知是誰家用舟楫唯應海水宜日莫飛鷗集無數青



田老鶴未曾知

武宗元比部畫文殊立獎

遺墨消磨顧陸餘開元一一數吳盧本朝唯有宗元近國本長留  
後世模出世真人氣雍穆入蕃老釋面清癯居人不惜遊人愛風  
雨侵陵色欲無

上巳日久病不出示兒姪一首

春氣侵脾久在牀開門桃李著泥香牛鳴頗覺西湖近鳳去長憐  
北榭荒欲出老人無伴侶退歸諸子解農桑南隣約賣千竿竹拄  
杖穿林看笋長

臥聞諸子到西湖鵲鷺翩翩眾客俱執扇藤鞵試輕快隻雞斗酒  
助歡娛行歌久已饒渠輩睡美猶應屬老夫春服既成沂可浴孔  
門世不乏迂儒

葺東齋

三月十八日

敝屋如鷲巢歲歲添泥土泥多斃完潔屋老終難固况復非吾廬  
聊爾避風雨圖書易新幌几杖移故處宵眠不擇安鼻息若炊釜  
兒孫喜相告定省便蚤莫我生溪山間弱冠衡茅住生來乏華屋  
所至輒成趣苦恨無囊金莫克償地主投老付天公著身豈無所

次遲韻千葉牡丹二首

溪上名園似洛濱  
花頭種種鬪尖新  
共傳青帝開金屋  
欲遣姚黃比玉真  
秦嶺猶應篆詩句  
杜鵑直恐降天神  
老人髮少花頭重  
起舞欹斜酒力勻

老人無力年年懶  
世事如花種種新  
百巧從來知是妄  
一機何處定非真  
園夫漫接曾無種  
物化相乘豈有神  
畢竟春風不揀擇  
隨開隨落自勻勻

盆池白蓮

白蓮生淤泥清濁不相干  
道人無室家心迹兩蕭然  
我住西湖濱蒲蓮若雲屯  
幽居常閉戶時聽遊人言  
色香世所共眼鼻我亦存  
隣父閔我獨遺我數寸根  
溪水不入園庭有三尺盆  
兒童汲甘井日晏泥水溫  
及秋尚百日花葉隨風翻  
舉目得秀色引息收清芬  
此心湛不起六塵空過門  
誰家白蓮花不受風霜殘

詠竹二首

湖濱宜草木脩竹可三尋  
塵居多野思移種近牆陰  
及爾迷未醒方予熱正侵  
無嫌不逮本地薄肯成林

其二

南隣竹甚茂門巷不容賓  
縣印君當往囊金我患貧  
翠旌稍亂起犀角筍初勻  
不惜圖書賣端來作主人

見兒姪唱酬次韻五首

芝蘭生吾廬一雨一增藉本亦何預人懷抱終眷眷老傳時已過  
塵垢日須浣永慙舊文書展讀不終卷

其二

讀書雖不惡不讀亦自好根牙就區別花實隨時老耘鋤不可無  
雨露勿憂少我釣不在魚一竿寄洲島

其三

宇宙非不寬閉門自為阻心知外塵惡且忍閑居苦跣跌默非睡  
龕燈翳復吐道士為我言嬰兒出歌舞

其四

才病要須閑閑極自成趣空虛雖近道懶拙初非  
偶將今生腳  
心着古人履大小適相同本來無別處

其五

西湖雖不到甘井竊餘涼三伏罷飲酒桂漿攜一  
冠者五六人  
起舞互低昂人生有離合此歡未易忘

初得南園

倒囊僅得千竿竹掃地初開一畝宮千里故園竟盡  
裡百年生事  
寂寥中晏家不願諸侯賜顏氏終成陋巷  
洗竹移花吾事了子

孫他日記衰翁

移竹

牆陰竹蒙密板築念相妨欲補園東缺欣乘雨後涼三年生筍遍  
一徑引風長但恐翁彌老筇枝懶復將


記夢

七月二十六日

長魚三尺困橫盆送入清流喜欲奔報我金匙僅盈寸擲還聊喜  
不貪存



集卷之三終



70025411

